



**Claudii Fleurii Abbatis Historia Ecclesiastica**

Ab anno Christi 1351 usque ad annum 1414

**Fleury, Claude**

**August. Vind. [u.a.], 1768**

**VD18 90118278**

§. 31. Sessiones decima sexta, & decima septima. Arragoniæ Legati.

---

[urn:nbn:de:hbz:466:1-66293](https://nbn-resolving.de/urn:nbn:de:hbz:466:1-66293)

& omnes Christianos, quacunque digni-<sup>Sæcul. XV.</sup>  
tate florent, etiam coronatos Principes <sup>A. C. 1409.</sup>  
ab omni munere parendi eis absolvit ita,  
ut nullum fidelitatis juramentum, nulla  
obstet obligatio. Prohibet sub anathe-  
matis poena, ne quis Christianorum alteru-  
tri obsecundet, faveat, tectum præbeat,  
opem, aut consilium afferat: atque si huic  
sententiæ per contemptum non obediant,  
etiam per potestatem profanam debent  
reprimi una cum fautoribus, ac sectato-  
ribus suis. Postea Concilium cunctas  
æmolorum actiones, sententias, censu-  
ras, & creationes Cardinalium ab Ange-  
lo Corrario post tertium Maji, a Petro Lu-  
nio post decimum septimum Calendas Ju-  
nias anni 1408 factas declarat irritas.  
Hac sententia pronunciata canebatur  
Hymnus Ambrosii; vetabaturque, ne-  
quis a Concilio sine permisso abiret.

### §. XXXI.

*Sessiones decima sexta, & decima se-  
ptima. Legati Arragoniæ.*

Décima sexta sessio fuit die lunæ 10 Ju-  
nii. Pisanus Archiepiscopus e pul-  
pito recitabat schedulam, ubi Cardinales  
loquebantur in hunc fere modum: Spon-  
demus fore, ut si quis e nostro numero  
electus in Papam fuerit, is concilium  
præsens continuet, nec solvi finat, do-

Tt 3

nec

Sæcul. XV. nec Ecclesia in capite, ac membris suis  
A. C. 1409. correcta sit. Si unus e Cardinalibus ab-  
sentibus, vel alias quisquam Collegio sa-  
cro non adscriptus cooptabitur, omni cu-  
rabimus opera, ut idem promissum faciat,  
priusquam promulgetur electio. Inte-  
rim approbamus sententiam contra æmu-  
los, concilii continuationem vacante sum-  
ma sede, & commotam Ecclesiæ corre-  
ctionem.

p. 2263.

Huic sessioni aderat Cardinalis Chal-  
landinus, qui a Petro Lunio defecrat.  
Concilii Advocatus negabat sufficere pro-  
nunciationem sententiæ contra æmules,  
nisi hæc daretur executioni. Itaque po-  
stulabat, ut Concilium hujus Curatores  
ubique, aut saltem in regionibus, ubi  
opus essent, constitueret, istorumque Cu-  
ratorum nominatio Cardinalibus commit-  
teretur. Annuit Concilium. Advoca-  
tus addebat: Angelus Corrarius sedem  
suam tenere in territorio Patriarchæ  
Aquilejensis huic faventis Concilio, nec  
fine illius damno populum provinciæ ad  
suas partes adjungere conatur. Igitur  
vobis placeat imperare hujus regionis  
Optimatibus, Ecclesiæ clientibus fiducia-  
riis, ut Patriarchæ, non Gregorio morem  
gerant. Consensum fuit.

Seffio decima septima erat die Jovis  
13 Junii. Postquam tres Patriarchæ in  
fuggestum ascenderant; Alexandrinus le-  
gebatur

gebat schedulam hujusmodi: Quia du- Sæcul. XV.  
A. C. 1409.  
rante schismate nonnulli Cardinalium  
præsentium ab æmulis sejunctis creati  
sunt; & modo eligendus est Papa unicus,  
certusque: Concilium vult ita creatos  
pro præsenti rerum conditione ferre suf-  
fragia; neque novare aliquid, aut Cardi-  
nalium juri derogare cogitat. Hortatur  
vero, ut Papam eligant tanta cum chari-  
tate, & concordia, ut nulla dissidii scin-  
tilla notari queat.

In eadem sessione comparebant Lega-  
ti Regis Arragonum, tres Equites, ac Do-  
ctor, ea lege admissi, ut nihil proferrent,  
quod offendere Concilium posset. Do-  
ctor cunctorum nomine sic loquebatur:  
Arragoniæ Rex edoctus hunc agi con-  
ventum ad curandam Ecclesiæ pacem si-  
bi charissimam, id vobis negotium com-  
mendat; nec impedire vellet ob peculia-  
re commodum seu Petri Lunii, seu cu-  
jusquam alterius. Hic Papa cum Con-  
cilio Perpinianensi decrevit aliqua; quæ,  
cum posse servire ad concordiam credan-  
tur, vobis per nos exponi Rex voluit. O-  
ramus proin ejusdem nomine, ut hac in  
re nihil novi faciatis, antequam nos au-  
dieritis. Denique Rex Dominus noster  
acta concilii vestri nunc quidem approba-  
re nequit, utpote nondum comperta ha-  
bens: sed ea doceri cupiens in causa Ec-  
clesiæ ita gerere se cogitat, ut orbi toti

It 4 satis-

Sæcul. XV. satisfaciat. Simul acta poscebat Do-  
A.C. 1409. cto.

Tum singulis Præfulibus indicabatur  
ex mente Cardinalium respondendum,  
Concilium Regi gratias habere pro studio  
pacis; nominaturum, qui Legatis darent  
actorum notitiam; designaturum pariter,  
qui aures præberent Nunciis Petri Lunii  
dummodo potestatem exhiberent suam;  
hos toto a confessu audiri non posse, cum  
discessum posceret hora; & hæc sessio e-  
set ultima ante ingressum conclavis.  
Postquam Advocatus id Legatis respon-  
sum palam reddiderat; finita fuit sessio.

Postero die Veneris 14 Junii fiebat  
solemnis supplicatio publica, cui aderant  
cuncti Præfules, ac totus concilii Clerus.  
Ibatur a templo S. Martini ad cathedra-  
le, ubi Cardinalis Thurius peragebat sa-  
cerum de Spiritu Sancto, ut is collustra-  
ret mentes Cardinalium ad eligendum  
summum Pontificem. Eodem die post  
prandium Legati Arragoniæ in S. Marti-  
ni ædem delati cupiebant Petri Lunii  
Nuncios ex promisso audiri. Qui clamo-  
res inter ac sibila, quibus eos potissimum  
domestici Præfulum consectabantur, per  
turbam ad fores stantem ægre ingressi  
templum parum colebantur, cum veni-  
sent in locum, ubi tres erant Cardinales  
auscultandis eis destinati. Legebatur il-  
lis sententia contra æmulos pronunciata:

P. 2129.  
2206.

&

& dum Tarragonensis Archiepiscopus Sæcul. XV.  
Papæ Benedicti XIII Nuncium se dicebat, A. C. 1409.  
exorto ingenti fremitu vocabatur nuncius  
schismatici, ac hæretici. Idem accidit  
Joanni Costio antea Episcopo Mimatensi, &  
tunc uni e Nunciis. Volebant iterum lo-  
qui: & admissio eis promissa fuerat in po-  
sterum sabbatum: at comparere non ausi  
amplius insalutatis Præsulibus reliquere  
Pisas.

## §. XXXII.

*Alexander V Papa.*

Eodem die sabbati 15 Junii sub vespe-  
rum conclave intrarunt Cardinales vi-  
ginti quatuor Archiepiscopi Pisani hospi-  
tes. Magno Rhodiorum Magistro com-  
missa est custodia conclavis: ubi decem  
diebus integris illi hærebant usque ad  
diem Mercurii 26 Junii, qua in Papam ele-  
gerunt Cardinalem Mediolanensem Pe-  
trum Creensem patria, qui nominari vo-  
luit Alexander V.

Natione Græcus, cognomine Philar- Th. Niem.  
gus in Creta tum Venetis obnoxia tam Hist. l. 3. c. 51.  
inopes parentes habuit, ut non memine-  
rit eos sibi fuisse cognitos: sed cum pue-  
rulus stipem posceret, de pulvere suble-  
vatum quidam Italus ex Ordine Minorum  
linguam Latinam docuit, Paulo adultio-  
rem veste religiosa induit, ad Fratres ad-  
scripsit suos, & quod egregia præeditum

Tt 5

indole